

# O Le Fetu o le Fanau Mai

Saunia e Juliann Tenney Doman  
(E faavae i se tala moni)

O le Po o le Kerisimasi. O lona uiga ua oo i le taimi mo le tala faatino o le Fanau Mai o Iesu! O le faatinoina o le tala i le soifua mai o Iesu Keriso o se tasi o tu masani o le Kerisimasi e sili ona fiafia i ai Cayden.

Sa aumai i fafo e Tama le pusa o teuga. "O ai e te manao e avea ai i lenei tausaga?" na ia fesili atu ai i le uso ma le tuafafine laitiiti o Cayden.

"O le a avea d'u ma Iosefa!" Na fai mai ai Grant. Sa ia aapa atu i totonu o le pusa ma toso mai ni teuga.

"E mafai ona avea d'u ma Maria?" na fesili atu ai Hannah. Sa lue atu le ulu o Tina ma tuu atu ia te ia se pepe meataalo. Sa afifi ma le faaeteete e Hana le pepe meataalo i totonu o se palanikeke ma tuu i totonu o se tamai pusa e pei o se faatanoa vao.

Sa ataata Cayden. Sa manao Hana e faatino le vaega a Maria i tausaga taitasi.

"O le a avea d'u ma se leoleo mamoe," o le tala lea a Brynne, le tuafafine matua o Cayden. Sa ia uu maia se manu vaefa. "Ma o la'u mamoe lea."

*O le a se vaega e mafai ona faatino e Cayden i le tala o le Fanau Mai o Iesu?*



"O Tina o le a avea ma se agelu aulelei," o le tala lea a Tama.

Na ataata Tina. "Vaai i le atamai o Tama? O le a ia faatinoina se Makoi."

"E manaomia se tagata malosi e avea ma asini." O le uso matua o Cayden, o Scott, na faadli mai ona maso. "Ou te matea o d'u lena."

"Ae a oe, Cayden?" O le fesili lea a Tama. "O le a le vaega e te manao e faatino?"

Sa filemu Cayden. Ona maua lea o sona manatu.

Sa tamoe o ia e aumai le palanikeke samasama mai lona moega. Sa ia tuu i luga e vaai i ai Tama. "O se vaega tatou te le'i faatinoina muamua. Ou te fia avea ma fetu. Lea e faasino atu ai le ala ia Iesu."

"O se manatu manaia tele lena!" na fai atu ai Tamā.

Sa latou faia uma a latou teuga. Sa aui e Cayden le palanikeke samasama i ona

tauau. Ona faitau lea e Tama le tala mai tusitusiga paia.

Sa ataata Cayden a o alu ifo Scott i ona lima ma tulivae e avea ma asini. Sa tuu e Tama Hana i lona tua e avea ma Maria. O Grant, sa avea ma Iosefa, sa taumafai e taofi o ia a o la savavali atu i le isi itu o le potu. Sa faalogologo ma le totoa Cayden. Sa ia iloa ua oo mai lana vaega.

"Ma faauta, o le a i ai se fetu fou e oso mai," na faitau ai Tama.\*

Sa tu maualuga Cayden ma faaloaloa lautele atu ona lima. Sa ia mafaufau i le fetu lea na susulu atu i Peteleema. Sa manao o ia e fesoasoani i tagata ia maua Iesu, e pei lava ona sa faia e le fetu i lena po o le Kerisimasi muamua. ●

*O lenei tala sa tupu i le ISA.*

\* Mai le Helamana 14:5